

## REMÈMBRE de JOUINESSO

**E**ro un amour de cadèu, qu'avié lou péu fouletin. Lou debana dis evenimen espeliguè quouro la sesoun d'estiéu èro demié n'autre emé lou cèu clavela d'estello, i'a d'acò uno bono passado.

En d'aqueste moumen present, pode emé clarta, vous counfessa, que, nòstis afougamen èron segoundàri.

Jamai de la vido, aurian pouescu agudre de marridis idèio mai, nous flouorejavo l'esperit que d'à cha pau nous menarié à faire de foulié envès aquéli poulidi bèuta, qu'avien, coumo nautre l'age de pas pensa à l'endeman.

Venien d'encountrado procho de la vilo, óublidarèn pas lis franchimando tambèn mignouno qu'arribavon emé si parènt bruni,e, se passeja su li plago coustierenco de sable caud.

Dire, qu'arrambavian aquélis avenènto jouvènto, èro pulèu mai abausidou qu'autro causo empache qu'erian enfiouca e semblave que venian de prene Arle.

Nous countentavian, de chala emé foço timidita aquéli pichot mourret tant poulidet qu'èron l'encauso de nòsti pantai.

De li vèire de pu proche e tambèn d'agudre la chabènço d'uno pichoto alucado, calourènto un risoulet, èro quicon de pas crèire aqui, lou rèi sarié pas esta noste cousin .Urousamen, à la coumplicita de la mar, dóu tèms tras qu'ensouleia e, d'aquélis erso qu'ersejavon e qu'ajudavon li rescontre estènt que d'ouro, qouro lou soulèu coumençavo de dardaia metian en evidènci brunimen e carraduro que cresian oulimpiano pensant que nous guincharien de sis uei blu mescla à lou de la Mieterrano.

Es aqui que noste cor de quinge an tremoulave e sentissian un sentimen d'amour que te fasié bouli e fresi lou sang de la tèsto i pèd pèr un poutoun rauba à la lèsto e qu'auriés paga proun car fin de n'agudre un parèu de mai.

Mai barravian lis iue e pantaiavian pensant que li vacanço se cabavon sènso saupre se l'an que vèn i'aurié d'autro rescontro.

À l'ouro d'aro quàuqui lustre passa se disènt ounte soun li quinge an? Pas possible i'a mai de sau que de pebre dins li pèu. Mai, que soun pu poulido qu'à passa tèms aquéli chatouno que nous fasien vira de tèsto.

D'un coustat vuei es nautre que risoulejant de vèire e d'ausi nòsti drole entre éli se counta sis amoureto d'uno passado que mau-grat te leisson de pichoto pouncheto au cor.

Apoundrai en souveni quàuqui poulidi paraulo d'uno cansouneto;

Pèr uno amoureto un jour revendra  
Te vira la tèsto e tu vas bada  
Jouga la roummanço d'un pantai galoi  
Sabe pèr avanço que ié diras OI.

Sèrgi BARRE grafio MISTRALLENCO .